

sia Dei &c. Definit in descriptione publici ritus poenitentiae, qui nulla ratione mitior est catholico romano.

IV. fol. 8. p. 2. Literae Bern. Ziegler, Job. Pfeffinger et Alex. Alesii datae Lipsiae 12. Aug. 1548. Reverendis et eximijs Viris doctrina virtute et pietate praestantibus DD. Caspari Hedioni, M. Bucero et reliquis doctoribus ac ministris Evangelii in Ecclesia Domini quae est Argentinae &c. Initium: *Accepimus literas uestras, Clarissimi atque Ornatissimi, a Domino Doctore Joanne Marbachio, qui nobis exposuit diligenter, quanto studio cupiatis retinere concordiam &c.* Expouunt suum et Wittebergensium votum, ut edatur publica confessio omnium nomine, et probant Argentinatum doctrinam. At vero Bucerus altero anno in Angliam abiit.

V. fol. 10. Dialogus festiuis satiricus inter *Erasum* a morte in coelum delatum et *Eliam*, cui ille multa de nova Lutheri Doctrina refert, et inter cetera *Lutherum* *Eliae* nomen in terris usurpare; unde *Elias* concitatus *Wittebergam* devolat, *Lutherum*que acri perfundit lixivio. Initium: *Elias. Quis nouus hic nostris successit sedibus Hospes?* Erasmus. *Sum Erasmus, qui tandem optato vestro collegio potior.* El. *Et quae tanta fuit nostri tibi causa videndi?* Eras. *Non una sane, nam vita illa humana multis mihi nominibus grauis erat, primum Seni, hinc calculoso, tum*

multa indigna cotidie videnti et toleranti &c. Atque hinc ad *Lutheri* motus Sermo delabitur. In Scena actum *Dialogum* ultima probant: *Vos saltem auditores temporius respiscite et valete.*

CCCCLXXXVI.

Codex chartaceus lat. Scrip- 473
tus Seruestae anno 1547. Folior.
10. 4. continet *Annotata D. Philip. Melanth. In Epistolam Pauli ad Timotheum primam.* Hic tantum in prima IV. *Capita*, quibus subiicitur: *Haftenus 18. Martii. Anno 1547. Serueste.* Succinctiora omnia illius *Enarratione in eandem Epistolam*, quae legitur *Opp. Parte IV. Wittebergae 1601. p. 366. f.* et multis dictionibus graecis et germanicis interspersa. Ut specimen dem, ad vocem *γυναικα* C. I. v. 2. haec notantur: *Filio Germano. id est. incorrupto. ita nos debemus esse germani filii Apostolorum, debemus seruare incorruptam doctrinam. Germanus a germen. inde Germanus natürlich. mein natürlicher bruder.* (Id hodie aliud.) *Nostri germani inde habent nomen quod fuerunt predicti bonis morib. et incorrupti. Germanus dunckt mich sey das wort herman. quia fuerunt bellatores. Hermiones fuerunt pars germanorum.* Nihil de his in *Enarrat. suprac. Ad C. III. v. 2.* verba: *Unius Uxoris virum*, haec legas: *id est. non scortatorem, quamuis potest intelligi de digamia, quod non liceret eum qui haberet duas*

1913

P O L E M I C I

1914

duas uxores esse Episcopum, sed sine istas questiones. Hoc uult. non sit adulter, nec scortator, quia dicitur, sine Sanctificatione nemo videbit Deum. Fufius haec in Enarrat. p. 396. Sed etiam ibi: Omitto autem disputationes de digamia.

CCCCLXXXVII.

⁹²⁵ Codex chartaceus lat. Sec. XVI. Folior. 54: 4. inscribitur: *Epistola quaedam D. Philippi Melancthonis*. Sunt vero et alia admixta, quae ordine persequar: I. *Epistolae tres Melancthonis ad Job. Riuium, Hier. Oderum et Franc. Vinariensem*. Epistolae hae, et sequentes collatae sunt cum Editt. *Manliana, Peuceriana et Elzeviriana*; itaque indicandum, quatenus e praesentibus non sint in illis Editt. repertae. Deest uidelicet Epistola ad *Hier. Oderum*, quae incipit: *Periucundae mihi fuerunt tuae litterae*, et praeter laudes atque officia nihil continet.

II. fol. 7. *Disputatio habita Vuittembergae a M. Erasmo Flock pro Licentia in Medicina consequenda. Praeside D. Melchiore Fendio Medicinae doctore. 28. die Augusti, anno 1545.* Sunt Positiones XIII. de Tempore Medicationis ab *Hippocrate* assignato, quibus subnectuntur Argumenta obposita cum Respondis, atque ex Obponentibus nominantur *M. Erasmi Reinboldus Salueldensis, Phil. Melancthon, et D. Augustin. Schurff*. Viri hi

omnes praeter *Flockium* Literatoribus probe noti sunt.

III. fol. 14. resumuntur Epistolae XXXIV. potissimum *Melancthonis* suo, vel alieno nomine datae: *Serenissimo Regi Angliae. Guilhelmo Reiffenstein* non reperta. Incipit: *Serius ad te mittimus Paedagogum &c.* nempe pro Filiis. Anxiatur de capta *Roma*, Bibliothecis metuens. *Die Jouis post exaudi*, ergo a. 1527. *Paedagogo filiorum Guilhelmi Reiffenstein* non reperta. Incipit: *Heres tuus honorifica oratione &c.* Laus Paedagogi, quem puto *Marcellum Regium*, et quaestio de Incendio *Wernrodensi*. *Calend. Septemb. D. Joanni Caesario amico suo. Filiis Guilhelmi Reiffenstein. D. Guilhelmo Reiffenstein amico suo summo. Illustris Princeps Dux Joannes Ernestus Saxoniae, ad quendam Episcopum.* Est is *Naumburgensis*. Non reperta incipit: *Reuerendissime atque Illustrissime princeps, petiuit a nobis commendationem ad R. P. V. quidam nobilis adolescens Petrus de Neumarck &c.* Pro aliquo Sacerdotio ad sumtus studiorum tolerandos. *Magistro Marcello*, puto *Regio*; non reperta incipit: *Franckfordiae venerunt ad me hij adolescentes Argentoratenses &c.* Commendantur *Vitebergae* ejus curae. 12. *Septemb. Francfordiae 1536. Viro optimo D. Guilhelmo Reiffenstein amico suo. Studioso adolescenti Joanni Reiffenstein Stolbergae. Guilhelmo Reiffenstein binae. Nobili adolescenti J. R.*